




# Hashi akiorniarlugu nuna tamakkerlugu iliuusissatut pilersaarummut siunnersuut

2016





## Imarisai

Hashi akiorniarlugu nuna tamakkerlugu iliuusissatut pilersaarummut siunnersuut .....	0
Aallaqqaasiut .....	3
Eqikkaaneq .....	4
Tunuliaqutarineqartog .....	5
Ajornartorsiutip annertussusia .....	6
Peqqissuseq .....	8
Peqqissutsimut tunngasutigut naalakkersuinikkut anguniakkat .....	8
1. Pitsaaliulluni iliuusissat: naartusut hashimik atuinerannik annikillsitsineq .....	10
Iliuusissaq: naartusunut sammitinneqartumik paasititsiniaanermi atortussat .....	10
Iliuusissaq: peqqinnissaqarfimmi sulisunut paasissutissat ilitsersuutillu .....	10
2. Pitsaaliulluni iliuusissat: meeqqat inuusuttuaqqallu akornanni hashimik atuinerup annikillsarnissaa kinguaallatsinnissaalu .....	10
Iliuusissaq: GM-ertoqartillugu ikiaroorartunik sukasaatinillu atuisoqarsimaneramik misissuinerit .....	10
Iliuusissaq: Timersoqatigiit Kattuffiat GIF peqatigalugu paasititsiniaaneq .....	11
Iliuusissaq: meeqqat atuarfianni atuartsissutinik atuutsitsilerneq .....	11
Iliuusissaq: Angutinut inuusuttunut 15-init 25-nut ukiulinnut sammititamik paasititsiniaaneq ...	11
3. Pitsaaliulluni iliuusissat: inersimasut malugisimaartut saqquminerisa annikillsarnissaa .....	12
Iliuusissaq: atornerluinermit katsorsartinnissamat neqeroorutit pitsaanerusut .....	12
Iliuusissaq: oqarasuaatikkut siunnersuivimmik pilersitsineq, "Allorfik" .....	12
Akisussaasoq: Atornerluinermik Ilisimasamik Katersivik .....	12
Iliuusissaq: paasissutissanik imminullu ikiornissamat atortussamik ineriartortitsineq .....	12
Akisussaasoq: Atornerluinermik Ilisimasamik Katersivik .....	13
Iliuusissaq: Ikiaroorartumik atornerluineq inatsisinillu unioqqutitsilluni niuerutiginninneq akiorniarlugit nunarsuaq tamakkerlugu ulloritap nuna tamakkerlugu malunnartinniarnera .....	13
4. Anguniakkat pingasuusut akimorlugit suliniutissat .....	13
Iliuusissaq: hashimik atornerluinermik qulaajaaneq .....	13
Iliuusissaq: Haship arsaarinnissutigineqartup akuunik misissueqqissaarneq .....	14
Iliuusissaq: Atornerluisut Pingaarnertut Attaviattut ilinniartitaanermik neqeroorutip ingerlatiinnarneqarnissaa .....	14
Iliuusissaq: screenerisarnep atorneratigut peqqinnissaqarfimmi atornerluisunik ujartuineramik nukittorsaaneq .....	15
Iliuusissaq: siusinnerusukkut iliuuserisartakkanit misilittakkanik katersineq .....	15



Iliuusissaq; aqqusinikkut angallannermut inatsimmik nutarterineq .....	15
Eqikkaaneq .....	16
Ilinniartitaaneq .....	18
Inatsisinik atuutsitsinermit tunngasut.....	19
Politiit.....	19
Iliuusissaq; Pinerluttulerinermi inatsisip allanngortinneqarnissaa – arsaarinnissuteqartarnerup annertusinissaanut periarfissat .....	19
Iliuusissaq; Pinerluuteqarsimasunut inissiisarfinni inissitat atorneerluinermit katsorsartinnerat	19
Iliuusissaq; Haship akiorniarneqarneranut atatillugu Kalaallit Nunaanni Eqqartuussiveqarneq pillugu Siunnersuisoqatigiinni inatsisitigut iliuusissat pillugit suleqatigiissitaliorneq.....	20
Akilerartarnermut Aqutsisoqarfik.....	20
Iliuusissaq; mittarfinni nakkutilliineq annertunerusoq.....	20
Iliuusissat; Timimut scannerummik pisineq .....	21
Iliuusissaq; Ikiaroorartunik suussusersiniarnermut atortussanik pitsaanerusunik pisineq .....	21
Iliuusissaq; akitsuuserisut angalanerulernissaat.....	21
Naggasiilluni oqaaseqaatit .....	23
Atuagassiat .....	24



## Aallaqqaasiut

Hash imaluunniit cannabis ikiaroorntuupput inerteqqutaasut. Innuttaasut akornanni 2014 (Dahl-Petersen, Larsen, Nielsen, Jørgensen, & Bjerregaard, 2016) meeqqallu atuartut akornanni (Niclasen, 2015) 2014-imi kingullermik misissuinerit tamarmik takutippaat inuusuttuaqqat hashimik pujortarermik misiliisimasut hashimillu akulikitsumik pujortartartut amerliartortut. Ingammik angutit inuusuttut 18-init 24-nut ukiullit 30,8 %-ii annikinnerpaamik qaammammut ataasiarlutik hashimik pujortartarput. Tamanna 2005-imi misissuinerit sanilliullugu qaffariaataavoq, taassuma taamani takutimmagu angutit 18-init 24-nut ukiullit 20 %-iisa missaat annikinnerpaamik qaammammut ataasiarlutik hashimik pujortartartut. Ineriartorneq tamanna ajoraluartumik killup tungaanut saavissimavoq. Taamaattumillu periusissaq matumani pineqartoq annertuumik pisariaqartinneqarpoq.

*Nuna tamakkerlugu ikiaroorntoq haship akiorniarneqarnissaa pillugu iliuusissatut pilersaarummik UKA 2016-imi Naalakkersuisut saqqummiusseqqullugit 2015-imi ukiakkut peqquneqarput.*

Iliuusissat, hashi akiorniarlugu pitsaaliuinerit tamarmiusumut suliniutinut piviusunngortinneqarsinnaasunut aalajangersimasunut arlalinnut ikorfartuutaasussat hashi akiorniarlugu nuna tamakkerlugu iliuusissatut pilersaarummut siunnersuummi allaaserineqarput. Tamatuma saniatigit siunniussat pillugit nalunaarutit arlallit suliniutissatullu kissaatit ungasinnerusoq isigalugu sulissutigineqarsinnaasut siunnersuummi allaaserineqarput.

Siunnersuut una siunissami atorneerluinerit katsorsaasarnermik nunatsinni pilersaarutissatut siunnersuutit 2015-imi ukiakkut ataatsimiinnermi aningaasanut inatsimmut ilanngullugu akuersissutigineqartup ineriartortinnissaanut atatillugu isigineqassaaq. Siunissami atorneerluinerit katsorsartinneqartarnissaannik naalakkersuisooqatigiit anguniagaannut ilaavoq aammalu neqeroorutit atorneerluisunut ataasiakkaanut naleqqussakkat arlallit pilersaarummi allaaserineqarlutik.

Iliuusissatut pilersaarummi suliniutit immikkoortukkuutaarlugit piviusunngortinneqassapput. Iliuusissatut pilersaarut siunnersuutit saqqummiunneqarpoq, iliuusissat arlallit pilersaarummi saqqummiunneqartut maanna missingersuutit ataanni aningaasalersorneqarsinnaanngimmata.

Hashimik atorneerluinerup ajornartorsiutigineqarnera ilungersuunneqartariaqartutut Naalakkersuisunit isigineqarpoq. Naalakkersuisut immikkut aarleqqutigaat meeqqat inuusuttullu akornanni atorneerluineq annertusiartortoq Hashimik atorneerluineq isumaginninnikkut ajornartorsiutinut arlalinnut atassuteqartutut nunatsinnilu inuiaqatigiinnut pitsaanngilluinnartumik sunniuteqartutut isigineqassaaq. Taamaattumillu pilersaarut tigulluarneqassasoq aammalu pilersaarutit iluatsilluarnissaanut kikkut tamarmik tapeeqataassasut, taamaalillutalu nunatsinni hashimik atorneerluineq annertusiartuinnartoq peqatigiilluta akiorsinnaassagipput neriutigaara.



## **Eqikkaaneq**

*Nuna tamakkerlugu ikiaroorntoq haship akiorniarneqarnissaa pillugu iliuusissatut pilersaarummik UKA 2016-imi Naalackersuisut saqqummiusseqqullugit 2015-imi ukiakkut peqquneqarput. Tamatuma kingorna Naalackersuisut aammalu suleqatigiissitat atorfilittanik inuttallit ataatsimiittarsimapput, tamatumani pilersaarummi tamarmiusumi suliniutissat oqaluuserineqarlutik. Aammattaaq suliaq partiit tamarmiusut oqaloqatigiiffiusumik ataatsimeeqatiginerini saqqummiunneqarpoq, taakkulu iliuuseqarnissamat pilersaarummut ilanngussaqaarsinnaasimallutik.*

Aammattaaq Naalackersuisut 2015-imi ukiakkut peqquneqarput nassuiaammik saqqummiusseqqullugit, Kalaallit Nunaannut ikiaroorntunik eqqussuisarneq akiorniarlugu iliuusissat nukittorsarneqarnissaat allaaseralugu. Naalackersuisut maluginiarsimavaat inatsisinut ataatsimiititaliap kissaataa nassuiaat saqqummiunneqassasoq iliuusissatut pilersaarutip saqqummiunneqarneranut atatillugu.

Nuna tamakkerlugu haship akiorniarneqarnissaanut iliuusissatut pilersaarummut tamarmiusumut siunnersuut iliuusissanik arlalippassuarnik imaqarpoq. Iliuusissat ilaat ingerlaannaq aallartinneqarsinnaapput, allalli aningaasalersorneqarnissaasa qulakkeerneqarnissaannut utaqqissunneqarlutik. Peqqissutsimut tunngasutigut iliuusissat Kalaallit Nunaanni imigassamat tunngasuni 2013 – 2019-imi iliuusissanut pilersaarummut atassuteqarput, taamaalillutillu innuttaasut peqqissuunissaannut atatillugu Naalackersuisut periusissiaannut anguniagaannullu Inuuneritta II-mut tamarmik attuumassuteqarlutik. Iliuusissatut pilersaarut taamaasilluni immikkut meeqqanut inuusuttunullu pinaveersaartitsinermut pilersaarutigineqarput.

Iliuusissatut siunnersuutigineqartut arlallit suli aningaasalersorneqanngillat. Taamaalillunilu aningaasanut inatsisit pillugit isumaqatigiinniarnissani aggersuni taakku aningaasalersorneqassanersut pillugu isummertoqarnissaa pisariaqartinneqarpoq.

Hashi akiorniarlugu iliuusissatut pilersaarummi matumani iliuusissatut siunnersuutigineqartut suliassaqaarfinnut arlalinnut attuumassuteqarput. Suliassaqaarfiit ilaat tassaavoq haship nunatsinnut eqqunneqartartup tuniniarneqartartullu killilersornissaa. Taamaaliortoqassaaq siullertut ikiaroorntoq inerteqqutaamat, aappaatullu pigineqarnerata killeqarnerata ikiaroorntumik atuineq annikillissagaa ilimagineqarmat.

Atornerluinerup pitsaaliuinikkut katsorsaanikkullu killilersimaarneqarnissaa aamma suliniutigineqassaaq. Katsorsaanissamik suliniuteqarnermi aallaqqaammut inersimasunut atornerluisunut katsorsaanissamik neqeroorutit, tamatumalu kingorna immikkut neqeroorutit aallunneqassapput. Pitsaaliuinermi iliuusissat meeqqat inuusuttuaqqallu aallunneqarnerannik aallarnerneqassapput, tassami taakkunani hashimik atuinerup unitsivinneqarnissaa kissaatigineqarmat.

Iliuusissat pilersaarummi matumani saqqummiunneqartut tamarmik suliassaqaarfinnut makkununga agguataarneqarput: peqqissutsimut, ilinniartitaanermut, inatsisilerinermut aningaasaqarnermullu tunngasut.



## Tunuliaqutarineqartoq

Ilaqutariinnermut Peqqissutsimullu Ataatsimiititaliap isumaqatigiittup inassuteqarneratigut 2015-imi ukiakkut ataatsimiinnermi Inatsisartut aalajangiiffisassaasat UKA 2015/105 aqqutigalugu Inatsisartut aalajangiuppaat:

*Nuna tamakkerlugu ikiaroorartoq haship akiorniarneqarnissaa pillugu iliuusissatut pilersaarummik UKA 2016-imi Naalakkersuisut saqqummiusseqqullugit peqquneqassasut.*

Inatsisinut ataatsimiititaliap isumaqatigiittup innersuussineragut Inatsisartut aalajangerput 2015-imi ukiakkut katerinnermi Inatsisartunut aalajangiiffissatut siunnersuummi UKA 2015/110-kut

Naalakkersuisut UPA 2016-imi peqquneqassasut nassuiaammik saqqummiusseqqullugit Kalaallit Nunaannut ikiaroorartunik eqqussuisarnek akiorniarlugu iliuusissat nukittorsarneqarnissaanik aalaaserinnittumik.

Hashimik atonerluineq suliassaqarfiuvoq oqartussaaffeqarfinnut arlalinnut attuumassutilik. Taamaattumillu iliuusissat oqartussaaffeqarfinnit arlalinneersut pilersaarummi tamarmiusumi isiginiarneqarlutik. Tamannalu pissutigalugu atorfilittanik inuttaqartumik Naalakkersuisut suleqatigiissitaliorput, Naalakkersuisut akimorlugit ataatsimiillutik kiisalu partiit tamarmiusut oqaloqatigiiffiusumik ataatsimeeqatigalugit.

Siunnersuutip suliarineqarneranut atatillugu Naalakkersuisunut ilaasortat arlallit (Inatsisunik Atuutsitsinnermut Naalakkersuisoq Mala Høy Kúko, Ilaqutariinnermut Naalakkersuisoq Martha Lund Olsen, Ilinniartitaanermut Naalakkersuisoq Nivi Olsen, Aningaasaqarnermut Naalakkersuisoq Randi Vestergaard Evaldsen aammalu Peqqissutsimut Naalakkersuisoq Doris Jakobsen) marloriarlutik ataatsimeeqatigiipput. Atorfilittanik soqutigisaqatigiinnillu allanit inuttalimmik suleqatigiissitaliortoqarsimavoq marloriarluni aamma ataatsimiissimasumik. Suleqatigiissitaq piumasaqaatitaqanngitsumik siunnersuuteqarpoq, taakku tamarmik suliassaqarfinnut ataasiakkaanut saqqummiunneqarlutik pilersaarummullu tamarmiusumut atatillugit nalilersorneqarlutik. Kiisalu partiit tamarmiusut oqaloqatigiiffiusumik ataatsimeeqatigineqarput, tamatumani pilersaarutip imarisaasa oqaluuserinissaannut siunnersuutinillu isumaliutigineqartussanik pissarsinissamut periarfissaqartitsisoqarluni.

Taamaattumik suleqatigiissitamit inassuteqaatit, politikikkut partiit akimorlugit isumaqatigiinniarnert aammalu Naalakkersuisut oqartussaaffeqarfiinit peqataatinneqartunit inassuteqaatit tunngavigalugit siunnersuut una pinngorpoq.



## Ajornartorsiutip annertussusia

Kalaallit Nunaanni 2014-imi innuttaasut akornanni misissuinermit (Dahl-Petersen et al., 2016) ilisimavarput peqataasut affaasa missaasa hashimik pujortarneq misilissimagaat. Katillugit 36 %-iisa hashi marlussoriarlugu misilissimavaat 20 %-iilu arlaleriarlutik hashimik pujortarsimallutik. Aamattaaq meeqqat atuariyani atuartunik misissuinerup takutippaa inuusuttut hashimik misiillutik pujortarsimasut amerleriasimasut. 2006-imi 15-inik ukiullit akornanni taamaallaat 17% hashimik misilillutik pujortarsimapput. 2014-mili 15-inik ukiullit akornanni 26%-it hashimik pujortarneq misilissimavaat (Niclasen, 2015).

Takussutissiaq 1-imi takutinneqarput misissuinermit peqataasut hashimik pujortarnermik misiliisimasut hashimik pujortarnerisa akulikissusiat, takussutissiaq 2-milu takutinneqarluni qaammammut annikinnerpaamik ataasiarlutik hashimik atuisartut suaassutsimut agguataarlugit.

**Takussutissiaq 1: Hashimik pujortarnermik misiliisimasut akornanni misissuinermit peqataasut hashimik atuisartut**

	<b>Katillugit</b>
Ukiuni kingulliunerusuni pujortarsimangitsut	72,7 %
Qaammammut ataasiarnermit akuttunerusumik	8,4 %
Qaammammut ataasiarlutik-pingasoriarlutik	7,1 %
Sap. ak. Ataasiarlutik tallimariarlutik	8,6 %
Ullut tamaasa	3,3 %

**Takussutissiaq 2: Hashimik akulikitsumik atuisarnerup ineriartornera ukiut kingulliit ingerlanerini qaammammut ikinnerpaamik ataasiarluni hashimik pujortarnermut naapertuuttoq ukioqqortussutsimut suaassutsimullu agguataarlugu**

	<b>Ukioqqortussuseq</b>	<b>2005</b>	<b>2014</b>
Angutit	18-24	20,1 %	30,8 %
	25-34	23,3 %	27,6 %
	35-59	21,9 %	21,4 %
	60+	1,3 %	2,5 %
Katillugit		19,0 %	19,9 %
Arnat	18-24	15,9 %	7,4 %
	25-34	16,6 %	4,1 %
	35-59	12,0 %	11,6 %
	60+	-	2,4 %
Katillugit		13,0 %	8,3 %

Meeqqat atuariannik ilinniarnertuunngorniarfimmilluunniit ilinniarnermikkut naammassinnissimasut akornanni hashimik akulikitsumik pujortartartunit angutit amerlanerusut 2014-imi innuttaasut akornanni misissuinermit aamma paasineqarpoq. Suliffissaaleqisut, isumaginninnermi ikiorsiissutinik pisartagaqartut angerlarsimaannartulluunniit 23,5 %-ii qaammammut arlaleriarlutik hashimik pujortartarput. Aamma innuttaasut akornanni misissuinermit paasineqarpoq hashimik pujortartarneq nunap immikkoortuanit nunap immikkoortuanut allaanerussuteqartoq, taamaalluni Tunumi hashimik akulikitsumik pujortartartut ikinnerpaapput Kujataani amerlanerpaallutik. Kiisalu



inuit angerlarsimaffimmi imigassamik ajornartorsiuteqarfiusumi peroriartortut hashimik akulikitsumik  
pujortartartut amerlanerupput.





## Peqqissuseq

Hashimik ikiaroorntunillu allanik akiuiniarluni iliussissat periutsit marluk atorlugit ingerlanneqarsinnaapput: pitsaaliuilluni katsorsaallunilu. Pitsaaliuilluni iliutsit ilaasa sunniutaannut uppersaatissaqarluarpoq, suliassaqarfimmili uppersaatit suli amigaataallutik. Pitsaaliuilluni iliutsit makku sunniutaannut uppersaatissaqarpoq (Peqqissutsimut Aqutsisoqarfik, 2013):

- Ikiaroorntut pissarsiarineqarsinnaanerannik killiliineq, tassunga ilanngullugu inatsisinik atuutsitsineq atuissullu iliuseqarfigneqarnerat
- Atuarfimmili inuusuttunullu ilinniartitaanerit pitsaaliuineq
- Siunnersuilluni oqaloqatigiinnerit (pitsaaliuilluni iliuseqarneq sivikinneq) atorlugit siusissukkut iliuseqarneq
- Angajoqqaanik ilinniartitsineq

Imigassamut aalakoornartulimmut tupamullu atatillugu takuneqarsinnaavoq taakkuninnga pissarsisinnaaneq killeqartillugu atuneq annikinnerusartoq (Nations, 2015) aammalu hashimut atatillugu taamaassasoq naatsorsuutigineqarpoq. Aammattaaq ilisimatusarnerup takutippaa atuiffiusuni pitsaaliuilluni iliutsit ikiaroorntunik unnuami pissarsisinnaanerit peqarnerillu annikillissinnaagaat ("Stockholm förebygger alkohol- och drogproblemer," n.d.). Sunniuteqartussamik aqqissuussaasumillu atuartsineq aqqissuussisumit ilinniarsimasumit ingerlanneqartoq pineqartillugu atuarfinni pitsaaliuinerimik iliutsit sunniuteqarluartarnerannut uppersaatissaqarluarpoq. Inuttut piginnaasat ineriartortinnissaat, atugarissaarnerulerneq, amerlanerussuteqartut paatsuungasumik paasinnittarnerisa<sup>1</sup> akiorneqarnissaa aammalu inuusuttuaqqat navianaatilinnut eqqummaarinnerulersinnissaat (Nations, 2015) aallutaralugit atuartsineq sunniuteqartartoq ilisimatusarnerup takutippaa. Aammattaaq inuusuttuaqqanut ikiaroorntunik akulikitsumik atuilernissamut ingerlasunut sammitillugu piffissami sivikitsumik siunnersuilluni oqaloqatigiittarneq atorlugu siusissukkut iliuseqartarnerup sunniutai uppersaatissaqarluarput. Kiisalu pitsaaliuilluni iliuseqarneq taamaattoq qarasaasiaq atorlugu toqqaannartumik sunniuteqarluartumillu atorneqarsinnaasoq ilisimatusarnerup takutippaa (Nations, 2015).

Aammattaaq ilinniartinnit atuarfiannilu aangajaarniutit pillugit politikki aangajaarniutinik pissarsisinnaanermut killileeqaatasut, iliussissanik ataqatigiissunik pilersitsisut kiisalu suliniuteqartussat piginnaangorsarneqarnissaannik qulakkeerisut misilittakkat takutippaat (Nations, 2015). Aammattaaq nuna tamakkerlugu suliniutit takutippaat ilinniartinnit sulinerimillu attassineq ikiaroorntunik atuinermut pitsaaliuutaasinnaasoq, annikillissutaasinnaasoq unitsitsissutaasinnaasorluunniit (Orbe, 2010). Kiisalu angajoqqaat ikiaroorntut pillugit isumaqatigiissuteqarfisarnissaat oqaloqatigisarnissaallu siunertaralugu angajoqqaanik suleqateqarneq pitsaaliuinerimik iliutsit pingaarutilittut sunniuteqarluartutullu nalilerneqarpoq (Peqqissutsimut Aqutsisoqarfik, 2011).

## Peqqissutsimut tunngasutigut naalakkersuinikkut anguniakkat

Inuuneritta II-mi hashimut tunngasutigut anguniakkat politikikkut akuerineqartut tassaapput meeqqat inuusuttuaqqallu atonerluinerimik aallartitsinissamut pitsaaliuiviginissaat, inersimasut

<sup>1</sup> Amerlanerussuteqartut paatsuungasumik paasinnittarnerat inuusuttuaqqat akornanni atugaasorujussuuvog, tassungalu atatillugu isumaqarluni ikiaroorntunik atuneq piviusunit annertunerisumik atugaasoq inuusuttuaqqat eqqarsartarmata.



malugisimaartut saqquminerisa killilersimaarnissaa aammalu hashimik atuinerup sapinngisamik annertunerpaamik annikillisinissaa. Taama anguniagaqarneq piviusunngortikkumallugu makkununga sammisumik ataatsimut isiginnilluni ataqatigiissaaralunilu iliuuseqarnissaq pisariaqartinneqarpoq:

- 1. Naartusut hashimik pujortassanngitsut**
- 2. Meeqqat inuusuttuaqqallu hashimik pujortalersinnaanerannik pitsaaliuineq**
- 3. Meeqqat inersimasunik hashitorsimasunik isigisaqannginnissaat**

Anguniakkat taakku piviusunngortinniarlugit anguniagassat makku oqaasertaliorneqarput:

Naartusut hashimik pujortassanngitsut

1. Meeraq suli inunngunngitsaq naartusut hashimik atonerluinerannit illersorneqassaaq

Meeqqat inuusuttuaqqallu hashimik pujortalersinnaanerannik pitsaaliuineq

2. Hashimik pujortarnermik misileeqqaartut ukioqqortunerusut
3. Inuusuttuaqqat akornanni hashimik atuneq annikillisinneqassaaq

Meeqqat inersimasunik hashitorsimasunik isigisaqannginnissaat

4. Inersimasut akornanni hashimik atuneq annikillisinneqassaaq
5. Innuttaasut atonerluinermik ajornartorsiuteqartut siusissukkut paasineqartarnerat nukittorsarneqassaaq
6. Saqqumineq?

Anguniakkat tamaasa akimorlugit

7. Hashimut tunngasuni ataatsimut isiginnilluni ataqatigiissaarinnissaq oqartussaaffeqarfiit akimorlugit ataqatigiissaarinnissaq qulakkeerneqassaaq
8. Hashimik atuinerup sunniutipiluunik innuttaasut ilisimasaqarnerulernissaat
9. Aqqusinikkut angallannermut inatsisip nutarterneqarnera

Immikkoortumi tulliuttumi anguniakkani tamani iliuusissat saqqummiunneqassapput.



## 1. Pitsaaliuilluni iliusissat: naartusut hashimik atuinerannik annikillisitsineq

### **Iliusissaq: naartusunut sammitinneqartumik paasititsiniaanermi atortussat**

Angajoqqaat kikkugaluartulluunniit meeqqaminnut ajunnginnerpaajusussaq ugartortarpaat. Taamaattumillu angajoqqaat tamarmik, tassunga ilanngullugit anaananngortussat ataatanngortussallu haship qaratsamut sunniutigisartagaannik aammalu meeqqanut inuusuttuaqqanullu ataavartumik qanoq ajoquusiinnaaneranik ilisimasaqalernissaat pingaaruteqarpoq. Tassunga ilanngullugu meeqqat naalungiarsuillu tupap pujuanik najuussuinerisa navianartua pillugu ilisimasat siammartiterneqarnissaat pingaaruteqarpoq, tamatumani THC-mik sunnerneqarnerup saniatigut puaat ajoquserneqarsinnaanerat annertusisinnaalluni, toqqusaarluttoqarsinnaalluni puakkullu nipititsisoqarsinnaalluni, bronkitisilertoqarsinnaalluni il.il. Taamaattumik ilaqutariinngortussanut ilaqutariinnullu meeraarartalinnut paasissutissanik hashi aammalu naartumut naalungiarsunnullu sunniutigit pillugit ilaquttanut ilinniartitsissutitut ilisimasaqalersitsisinnaasut ineriartortinneqassapput. Atortussat 2016-ip naajartornerani ineriartortinneqassapput 2017-imi atuutsinneqalissallutik.

Akisussaasoq: Peqqissutsimut Naalakkersuisoqarfik

### **Iliusissaq: peqqinnissaqarfimmi sulisunut paasissutissat ilitsersuutillu**

Peqqinnissaqarfimmiinnermi siullermi innuttaasup suliamik ilinniarsimasumik sorlermik naapitaqarnera apeqqutaatinnagu atornerluisoqarneranik siusissukkut paasisaartoqartarnissaa assut pingaaruteqarpoq. Naartunerup nalaani peqqinnissaqarfimmi immikkut ilinniagalinnik naapitaqarsinnaanermut periarfissat nikerartorujussuunerat pissutigalugu sulisut tamarmik napparsimasunik oqaloqateqarnissamut pitsaasunik sakkussaqaarnissaat kiisalu qaqugukkut oqaloqatiginnittoqartarnissaanut erseqqissunik najoqqutassaqaarnissaat pingaaruteqarpoq. Atortussat ilaqutariinnut naartusortalinnut toqqaannartumik sammitillugit isiginiarneqassapput suliarineqassallutillu, taamaalilluni sulisut oqaloqateqarsinnaanermut ilisimasaqarsinnaaqqullugit atortussaqaarsinnaaqqullugillu. Taamaalilluni suliamik ilinniagalit susassaqaartut suleqatigalugit atortussat 2017-imi ineriartortinneqassapput.

Akisussaasoq: Peqqissutsimut Naalakkersuisoqarfik

## 2. Pitsaaliuilluni iliusissat: meeqqat inuusuttuaqqallu akornanni hashimik atuinerup annikillisarnissaa kinguaallatsinnissaalu

### **Iliusissaq: GM-ertoqartillugu ikiaroonartunik sukasaatinillu atuisoqarsimaneranik misissuinerit**

Nunatsinni pissartanngorniuttoqarnerani (GM) ikiaroonartunik sukasaatinillu atuisoqarsimansoq 2016-imi aallartittumik aqqissuussaasumik misissuisoqartalerpoq (GM). 2016-imi seniorit nunatsinni pissartanngorniunneranni aallarniutaassapput, tamatumalu kingorna inuusuttut 18-iniit qummut ukiullit tamarmiusut misissuinerit ilanngunnerisigut annertusaasoqassalluni. Ikiaroonartumik atuisimanermik misissuineq pisariitsuussapput aammalu specialforbundinit aallartitanit tamatuminnga ilitsersorneqarsimasunit ingerlanneqarsinnaassallutik.



Atuisimasutut paasisaartoqartillugu Atornerluinermik Ilisimasanik Katersivimmi akeqanngitsumik katsorsartinnissamut periarfissaq innersuussutigineqarsinnaavoq.

Akisussaasoq: Kalaallit Nunaanni Timersoqatigiit kattuffiat (GIF)

### **Iliusissaq: Timersoqatigiit Kattuffiat GIF peqatigalugu paasititsiniaaneq**

Paasititsiniaanermik ilaatigut nunatsinni pissartanngorniuttoqarnerani atugassamik ineriartortitsinerimi GIF aammalu Peqqissutsimut Naalakkersuisoqarfik suleqatigiipput. Hashimik ikiaroomartunillu allanik atuineq akuerineqarsinnaanngilluinnartoq kiisalu taakku timimik atuinermut aammalu pitsaasumik peqqissumillu inooriaaseqarnissamut ataqatigiissinneqarsinnaanngitsut paasititsiniaanermi ersarissumik oqariartuutigineqassaaq. Paasititsiniaaneq Peqqissutsimut Naalakkersuisoqarfimmit aningaasalersoneqassaaq. Paasititsiniaanermik ineriartortitsinerimi GIF peqataassaaq kiisalu pitsaasumik maligassiuisussanik paasititsiniaanermi peqataasinnaasunik nassaarniassalluni. Paasititsiniaaneq 2016-imi aallartinneqassaaq ukiunilu tulliuuttuni suleqatigiinnerup ingerlanerani atoqqinneqarsinnaassalluni. Paasititsiniutit inersuarni timersortarfinni il.il. GM-erfiusuni allatullu unammiffiusuni kiisalu tusagassiivinni assigiinngitsuni atorineqarsinnaassapput. Paasititsiniaaneq meeqqanut inuusuttunut angajoqqaanullu saaffiginnippoq.

Akisussaasoq: Peqqissutsimut Naalakkersuisoqarfik

### **Iliusissaq: meeqqat atuarfianni atuartitsissutinik atuutsitsilerneq**

Hashi pillugu atortussanik atuarfinni atorineqartussanik Peqqissutsimut Naalakkersuisoqarfik siusinnerusukkut ineriartortitaqarpoq. Atortussat imaraat haship sunniutipilui pillugit paasissutissat aammalu hashimik pujortarneq pillugu angajoqqaat ilinniartitsisullu meeqqanik inuusuttuaqqanillu qanoq ilillutik oqaloqateqarsinnaaneranut ilitersuutit. Atortussat sumiiffiit ilaanni atorineqarput ilaannilu atorineqaratik. Taamaattumillu malitseqartitsilluni iliuusissamik suliaqartoqassaaq atuutsitsilernissarluni qulakkeerineqassalluni, taamaalilluni atortussat atorineqarsinnaaqqullugit.

Akisussaasut: Peqqissutsimut Naalakkersuisoqarfik aammalu Ilinniartitaanermut Naalakkersuisoqarfik

### **Iliusissaq: Angutitut inuusuttunut 15-iniit 25-nut ukiulinnut sammititamik paasititsiniaaneq**

Inuusuttuaqqat 15-iniit 17-inut ukiullit hashitornermik misiliisimasut angutillu hashimik akulikitsumik pujortartartut 18-iniit 24-nut ukiullit amerleriaateqarsimasut Kalaallit Nunaanni 2014-imi innuttaasut akornanni misissuinermit (Dahl-Petersen et al., 2016) aammalu 2014-imi meeqqat atuartut akornanni misissuinermit (Nielsen, 2015) paasineqarpoq. Inuusuttut taama ukiullit aarlerinaateqarnerusumik pissusilersortarnerat nalinginnaavoq<sup>2</sup> aammalu assersuutigalugu ikiaroonartunik misileraanissamut akuersaarnersarlutik. Inuusuttuaqqat taamannak ukiullit

<sup>2</sup> aarlerinaateqarnerusumik pissusilersortarneq arlalinnik imaqarsinnaavoq, amerlanertigulli ass. pineqartarpoq illersuuteqarani atoqatigiinneq ikiaroonartunilluunniit atuineq. Aarlerinaateqarnerusumik pissusilersortarneq inuusuttuunermi ikaarsaarfimmi atugaasarpoq (Nielsen & Sørensen, 2008)



pissusilersornerup iliuuseqarnerullu aarlerinartortai kingunissaalu piviusunit annikinnerusutut naliliisarnerat nalinginnaavoq. Aammattaaq inuusuttuaqqat qaratsamik sulii inerinnginnera pissutigalugu hashimit sunnertianerupput. Taamaalilluni hashimik atuineq qaratsap ataavartumik ajoquserneranik kinguneqarsinnaavoq. Tamatuma saniatigut hashimik atuineq ilinniartut suliffeqarnermilu unitsitsinnartartut amerlanerannut aamma attuumassuteqarpoq.

Taamaattumik ajoquteqalersinnaaneq taamatorpiaq ukiulinnut oqariartuuteqarnissaq immikkut pingaaruteqarpoq. Taamaalillunilu paasititsiniaaneq oqariartuutimigut taama ukiulinnut sammitinneqassaaq aammalu inuusuttuaqqat sumiiffiini tusagassiuutit assigiinngitsut arlallit atorlugit siammarterneqassalluni. Paasititsiniaaneq pingaartumik inuusuttuaqqanut angutinut saaffiginnittuussaaq, taakkumi pujortarnerpaammata.

Akisussaasoq: Peqqissutsimut Naalakkersuisoqarfik

### **3. Pitsaaliulluni iliuusissat: inersimasut malugisimaartut saqquminerisa annikillisarnissaa**

#### **Iliuusissaq: atornerluinermut katsorsartinnissamut neqeroorutit pitsaaneruset**

Atornerluisuunermut pilersaarut (*Siunissami atornerluinermut katsorsaasarnermik nunatsinni pilersaarutissatut siunnersuut, 2015*) 2015-imi ukiakkut ataatsimiinnermi akuersissutigineqarpoq. Atornerluisuunermut pilersaarutikkut kommunini sisamaasuni tamani nutaanik katsorsaasarfeqalissaaq, katsorsartinnissamik neqeroorutit amerlanerulissapput, tassunga ilaassallutik meeqqanut, inuusuttuaqqanut tarnimikkullu nappaatilinnut neqerooruteqalissaaq kiisalu atornerluisunut katsorsaaviit avataanni najukkami katsorsartinnissamut periarfissaqalissalluni. Aamma maanna katsorsaariaatsip saniatigut orninneqartarluni periutsillu allat atorlugit katsorsartinnissamut periarfissaqalissaaq. Atornerluisuunermut pilersaarut ukiuni tullinnguuttuni siammartiterneqassaaq 2020-milu tamakkiisumik pilersinneqarsimassalluni.

Akisussaasoq: Atornerluinermik Ilisimasanik Katersivik

#### **Iliuusissaq: oqarasuaatikkut siunnersuivimmik pilersitsineq, "Allorfik"**

Atornerluisuunermut pilersaarutit nutaap atuutsinneqalernissaani oqarasuaatikkut siunnersuivimmik pilersitsinissaq ilaavoq. Oqarasuaatikkut siunnersuivik innuttaasut kinaassutsiminnik taasinatik siunnersorneqarnissamut ikiorneqarnissamullu periarfissinneqassapput kiisalu kikkut tamarmik siunnersorneqarnissaaq, ilitsersorneqarnissaaq innersuunneqarnissarlu siunertaralugit saaffiginnissinnaanerit qulakkeerneqassalluni. Oqarasuaatikkut saaffiginnittarfik maannakkut ammarneqareerpoq, kikkulluunniit sianersinnaapput Atornerluinermik Ilisimasanik Katersivimmuut oqarasuaat 525343 atorlugu, ulluinnarni 8.00 16.00 akornanni.

Akisussaasoq: Atornerluinermik Ilisimasanik Katersivik

#### **Iliuusissaq: paasissutissanik imminullu ikiornissamut atortussanik ineriartortitsineq**

Inuit atornerluisuusut atornerluisungulersulluunniit imminnut ikiornissaminnut periarfissagissaarnerulersinnissaat katsorsartinnissamik neqeroorutit annertusarneqarnissaanni



pingaarutilittut ilaavoq. Aammattaaq inuup atornerluisuusup atornerluisuusumulluunniit qanigisaasut katsorsartinnissamut neqeroorutit pillugit paasissutissanik pisariitsumik nassaarsinnaanissaat pingaaruteqarpoq.

Paasissutissat ima ineriartortinneqassapput katsorsartinnissamut neqeroorutit pillugit ilisimasanik kikkulluunniit pisariitsumik pissarsisinnaassallutik. Aammattaaq imminut ikiornissamut atorussanik suliarinnittoqassaaq, taamaalilluni inuit annertuumik kajumissusillit pisariaqartitsisullu paasissutissanik atornerluisuunermut katsorsarlutik aallartitaqarsinnaaqqullugit katsorsartinnermi tullerit 1 aamma 2 tunngavigalugit siunnersuummiit pilersaarummut siunissami atornerluinermut katsorsartinnissamut. Atortussat tigussaasumik qarasaasiakkut pissarsiarineqarsinnaassapput, taamaalilluni sapinngisamik amerlanerpaanit pissarsiarineqarsinnaaqqullugit. Atortussat 2017-imi ineriartortinneqassapput.

Akisussaasoq: Atornerluinermik Ilisimasanik Katersivik

**Iliusissaq: Ikiaroorartumik atornerluineq inatsisinillu unioqqutitsilluni niuerutiginninneq akiorniarlugit nunarsuaq tamakkerlugu ulloritap nuna tamakkerlugu malunnartinniarnera**

Ikiaroorartumik atornerluineq inatsisinillu unioqqutitsilluni niuerutiginninneq akiorniarlugit ukiumoortumik ulloritinneqartoq Naalagaaffiit Peqatigiit (FN) ikiaroorartumut pinerlunnermullu suliniaqatigiiffia ukiut tamaasa juunip 26-ani siulersortarparaa. Paasititsiniaaneq nunarsuaq tamakkerlugu ingerlanneqartarpoq aammalu ikiaroorartumik inatsisinik unioqqutitsilluni niuerutiginnittarnerup inuiaqatigiinnut annertuumik unammilligassaqartitsinerata maluginiartinneqarnissaa siunertaralugu. Innuttaaqatinik sulissutiginninnissaa aammalu atornerluisuusunut tamanut ataqqinnilluni assannik isaassinikkut ulloq nunatsinni aamma malunnartinniarneqassaaq. Naalagaaffiit Peqatigiit ukiut tamaasa paasititsiniutinik arlalinnik suliaqartarpoq aammalu ikiaroorartumik atornerluineq pillugu ilisimasanik siammariternissamik kikkut tamarmik aallartitsinissaannut kaammattuuteqartarluni.

Akisussaasut: Peqqissutsimut Naalakkersuisoqarfik aammalu Atornerluinermik Ilisimasanik Katersivik

#### 4. Anguniakkat pingasuusut akimorlugit suliniutissat

**Iliusissaq: hashimik atornerluinermik qulaajaaneq**

Hashimik atornerluinerup ajornartorsiutaanera qulaajarneqassaaq. Inuit qassit hashimik atornerluisuunersut qassillu hashimik imigassamillu ataatsikkut atornerluisuunersut ersarissumik takuneqarsinnaassaaq. Aammattaaq inuit taakku sumi najugaqarnersut inooqataanikkullu kikkunnut atassuteqarnersut ersarissuusaaq. Kiisalu inuit taakku namminneq naliliinerat malillugu suut pisariaqartinneraat qulaajarneqassaaq, taamaalilluni tamatuma kingorna suliniutit tamaasa pisariaqartitanut taakkunungarpiaq siunnerfeqarsinnaaqqullugit.

Innuttaasut akornanni misissuineri meeqqallu atuarfianni misissuineq ukiut sisamangorneri tamaasa ingerlanneqartarput uuttuutit taakkorpiaat ilaat misissorneqartarput, taamaattumillu misissueqqissaarnernik allanik annertusaqqinneqariaannaallutik. Misissuinerit taakku marluk tullianik ingerlanneqassapput 2018-imi. Meeqqat atuarfianni misissuinerup pilersaarutigereerparaa



misissuineq itisilerniarlugu, taamaasilluni meeqqat inuusuttullu hashimik imigassamillu aalakoornartortalimmik atuineq pillugu aperineqarlutik.

Akisussaasoq: Peqqissutsimut Naalakkersuisoqarfik

### **Iliusissaq: Haship arsaarinnissutigineqartup akuinik misissueqqissaarneq**

Haship akua cannabinoid<sup>3</sup> THC ukiut kingullit ingerlanerini qaffariaateqarujussuarsimasoq nunani arlalinni maluginiarneqarpoq (Peqqissutsimut Aqutsisoqarfik, 2015). Tamatuma peqatigisaanik hashimik akuutissanik pinngitsuuisinnaajunaarsitsisinnaasunik akusamik tuniniaasoqarnera atornerluisunik katsorsaasartut pasitsaappaat. Taamaattumillu haship arsaarinnissutigineqartartumit misissugassatut tigulaakkat akuinik misissueqqissaartoqartalernissaa kissaatiginartinneqarpoq. Tamatumanit ilisimasat peqqinnissaqarfimmit politiinillu siunissami sulianut atatillugu atorneqarsinnaassapput.

Misissugassatut tigulaakkat illoqarfinni nunatsinni eqqussuinermi aqquataasutut annerpaani: Kangerlussuarmi, Nuummi Ilulissanilu hashimit arsaarinnissutigineqartumit pissarsiarineqassapput. Misissugassat taakku Århusimi pinerluuteqartoqarsimanerani misissuisarfimmi misissugassanngorlugit nassiuineqartassapput. Aqqusinerni tuniniakkanit eqqussuisunilluunniit (umiarsuami mittarfimmiluunniit) arsaarinnissutinit tigulaarisooqartassaaq. Misissueqqissaarnerit 2016-imi ingerlanneqassapput, tamatumalu kingorna inernerit saqqummiunneqassallutik.

Akisussaasoq: Peqqissutsimut Naalakkersuisoqarfik, Kalaallit Nunaanni Politiit suleqatigalugit

### **Iliusissaq: Atornerluisut Pingaarnertut Attaviattut ilinniartitaanermik neqeroorutip ingerlatiinnarneqarnissaa**

Inuit amerlanerusut atornerluisuunermik nassuerutiginnissaanut katsorsartinniarnissamullu kajuminnerulersinniarnerni pingaarutilittut inissisimasoq tassaavoq katsorsartinnissamut periarfissat pillugit paasissutissanik pisariitsumik pissarsisinnaaneq kiisalu suliniutip aallartinnissaanut ikorfartorneqarsinnaanissaaq. Atornerluisut pingaarnertut attaviattut ilinniartitaaneq piumassuseqalersitsiniarluni oqaloqateqarnissamut sakkusaqalersitsissaaq, atornerluinerup nammineq timimut qanigisaasunullu kingunipilui pillugit ilisimasaqalersitsilluni aammalu katsorsartinnissamut periarfissanik ilisimasaqalersitsilluni. immikkoortunik suliassaqarfinnillu innutaasunut toqqaannartumik attaveqarfiusunik amerlanernik ingerlatsisussatut atornerluisut pingaarnertut attaviisa siammartiternissaat inuit amerlanerit katsorsartinnissamut kajuminnerulersinneqarnissaannut pingaaruteqarpoq. Siunissami aallunneqartussaaq tassaavoq ilinniartitaanerup ilisimaneqarnerulernissaa, taamaalilluni atornerluisut pingaarnertut attaviattut ilinniartitaanermi ilinniartussat amerlasuut qulakkeerneqarsinnaaqqullugit. Ilinniartitaaneq 2020-p tungaanut ukiut tamaasa, tamatumalu kingorna ukiut marlungorneri pingasunngorneriluunniit tamaasa neqeroorutigineqartassaaq Siunissami atornerluinermut katsorsaasarnermik nunatsinni pilersaarutissatut siunnersuut tunngavigalugu.

<sup>3</sup> Cannabinoidit ikiaroorniutaavoq, tassannga THC aamma CBD pingaarnertut akuullutik. THC ikiaroornermut pingaarnertut sunniutaavoq aammalu CBD annilaangajunnaarsitsisarpoq immaqalu tarnip pissusaanut sunniuteqartarluni (Nordentoft, Ege, Erritzøe, Lange, & Pedersen, 2015)



Akisussaasoq: Atornerluinermik Ilisimasani Katersivik

**Iliusissaq: screenerisarnerup atorneratigut peqqinnissaqarfimmi atornerluisunik ujartuineramik nukittorsaaneq**

Peqqinnissaqarfiup atornerluisut assigiinngitsunik peqquteqartumik akulikitsumik attaveqarfigisarpai. Taamaattumillu katsorsartinnissamik neqerooruteqarnerup saniatigut atornerluisut inuillu kingunipiluutaasinnaasumik atuilernissamut aarlerinartorsiortut peqqinnissaqarfimmi eqqumaffigineqarnissaat pingaaruteqarpoq. Screenerisarnerup ineriartortinneratigut ujartuineq nukittorsarneqarsinnaavoq. Atornerluisoqarnerisooq atornerluisoqalersinnaanersorluunniit uuttuutinik aalajangersimalluinnartunik atuilluni misissuisarneq malitsigisaanik periusissat ilanngullugit ineriartortinneqassaaq atornerluisunngorsinnaasut nassaariniarnerinut atatillugu.

Akisussaasoq: Peqqissutsimut Pitsaaliuinernullu Aqutsisoqarfik Allorfik suleqatigalugu

**Iliusissaq: siusinnerusukut iliuserisartakkanit misilittakkanik katersineq**

Piffissap ingerlanerani iliuitsit assigiinngitsorpasut ingerlanneqartarput, ajoraluartumillu ilaannikuinnaq nalilersuisoqartarsimalluni. Taamaattumillu iliuitsit sorliit nunatsinni sumiiffinni sunniuteqarsimanersut takussutissiarineqarnissaa kissaatigineqarpoq, taamaalilluni misilittakkat taakku siunissami suliaqarnermi atorneqarsinnaaqullugit. Hashi akiorniarlugu iliuserisimasanut tamanut ataatsimut takussutissiortoqarnissaa kissaatigineqarpoq. Taamaalilluni 2019-imi ataatsimoortillugit katersuisoqassaaq.

Akisussaasoq: Peqqissutsimut Naalakkersuisoqarfik

**Iliusissaq: atornerluineq pillugu inatsisiliorneq**

Siunissami atornerluinermut katsorsaasarnermik nunatsinni pilersaarutissatut siunnersuummut atatillugu atornerluineq pillugu inatsisiliortoqassaaq.

Inatsisiliornerup atornerluisunik katsorsaaneq naleqqussassavaa katsorsaasarfiit sinaakkusiornerisigut, atornerluinermik katsorsaanermi sulisussat ilinniarnissaannut piumasaqaatinik aalajangersaalluni, kiisalu allanik atornerluinermi katsorsartinnermi neqeroorutiniq naleqqussaalluni. Inatsimmut ilaatinneqassapput imigassamut, hashimut allanillu atornerluinerit. Inatsisissaq naatsorsuutaavoq UPA 2017-imi saqqummiunneqarnissaa.

Akisussaasoq: Peqqissutsimut Naalakkersuisoqarfik

**Iliusissaq: aqqusinikkut angallannermut inatsimmik nutarterineq**

Inuit biiliniq angalanermi hashitorsimanersut politiinit ajoraluartumik maanna misissorneqarsinnaanngillat. Taamaattumillu aqqusinikkut angallannermut inatsisip nutarterneqarsinnaanissaanut periarfissaq misissorneqartariaqarpoq, taamaalilluni inuit hashitorsimallutik biiliniq angalanermi nunani amerlasuuni allanisulli siunissami akiligassinneqarsinnaanngorlugit kørkortianilluunniit arsaarneqarsinnaanngorlugit. Nutarterneqarnissaanut siunnersuutip 2017-imi saqqummiunneqarnissaa naatsorsuutigineqarpoq





siunissami atornerluinermut katsorsaasarnermik nunatsinni pilersaarutissatut siunnersuut tunngavigalugu.

Akisussaasoq: Pinngortitamut, Avatangiisinut Inatsisinillu Atuutsitsinermut Naalakkersuisoqarfik suleqatigalugu Peqqissutsimut Naalakkersuisoqarfik

### **Eqikkaaneq**

Anguniakkat siunnerfigisallu akimorlugit iliuusissat tamarmik takussutissiami matuma kingulianiittumi takutinneqarput aammalu iliuusissat assigiinngitsut taakku qaqugu aallartinneqassanersut, ineriartortinneqassanersut, siammarterneqassanersut ingerlanneqassanersullu piffissalersorlugit takussutissiarineqarluni. Iliuusissat ilaat ataasiaannarlugit ingerlanneqassapput, taamaattumillu ukiut sinnerini nalunaarneqarnatik.

<b>Iliuusissaq</b>	2016	2017	2018	2019
<b>Naartusunut paasititsiniaanermi atortussat</b>	Ineriartortinneqarput	Atuutilissapput	Siammarterneqassapput	Ingerlatsineq
<b>Peqqissutsimik suliaqartunut atortussat</b>		Ineriartortinneqassapput	Atuutilissapput	Ingerlatsineq
<b>GM-ertoqarnerani ikiaroorntumik misissuineq</b>		Siammarterneqassaaq	Ingerlatsineq	Ingerlatsineq
<b>GIF suleqatigalugu paasititsiniaaneq</b>	Ineriartortinneqarpoq	Siammarterneqassaaq	Siammarterneqassaaq	Siammarterneqassaaq
<b>Atuartitsissutit</b>	Nutarterneqassapput	Atuutilissapput	Ingerlatsineq	Ingerlatsineq
<b>Inuusuttunik paasititsiniaaneq (15-25-inik ukiullit)</b>		Ineriartortinneqarpoq	Ingerlatsineq	Ingerlatsineq
<b>Atornerluisunik katsorsaaneq</b>	Aallartinneqassaaq	Siammarterneqassaaq	Siammarterneqassaaq	Siammarterneqassaaq
<b>Oqarasuaatikkut siunnersuivik</b>	Ingerlatsineq	Ingerlatsineq	Ingerlatsineq	Ingerlatsineq
<b>Paasissutissanik imminullu ikiornissamut atortussanik ineriartortitsineq</b>		Ineriartortinneqarpoq	Atuutilissaaq	Ingerlatsineq
<b>Ikiaroorntumik atornerluineq inatsisinillu unioqutitsilluni niuerutiginninneq akiorniarlugit nunarsuaq tamakkerlugu ulloritap malunnartinniarnera</b>		Ingerlanneqassaaq	Ingerlanneqassaaq	Ingerlanneqassaaq
<b>Hashimik atuineramik qulaajaaneq</b>			Misissorneqassaaq	



<b>Haship akuinik misissuineq</b>	Ingerlanne-qassaaq			
<b>Atornerluisut Pingaarnertut Attaviattut ilinniartitaaneq</b>	Ingerlanneqassaaq	Ingerlanneqassaaq	Ingerlanne-qassaaq	Ingerlanne-qassaaq
<b>Peqqinnissaqarfimmi screenerisarneq</b>			Ineriartortineqassaaq	Atuutilissaaq
<b>Iliuutsinit misilittakkanik katersuineq</b>				Ingerlanne-qassaaq
<b>Atornerluinermut Inatsisiliorneq</b>		Saqqummiunneqart ussatut naatsorsuutigineqar poq		
<b>Aqqusinikkut angallannermut inatsimmik nutarterineq</b>		Saqqummiunneqart ussatut naatsorsuutigineqar poq		



## **Ilinniartitaaneq**

Ilinniartitaanermt, Kultureqarnermt, Iisimatusarnermt Ilageeqarnermullu Naalakkersuisoqarfiup 2016-imi upernaakkut saqqummiuppaa Inuusuttunut ilinniartitaanerni ilinniartullu ineqarfiini ikiaroomartumik atonerluinermt misissortittarnermt inatsisissatut siunnersuut.

Inatsisiliornissamut alloriarneq pisariaqalersimavoq Imarsiornermik Ilinniarfimmi misigisat ukiakkut 2015-imi annertuumik hashimik ilinniartut akornanni atuisoqarnera paasineqarmat. Tamatuma inernerisimavaa ilinniarfiup nammineq ilinniartunik misilittaaneq atonerluineq qaangerniarlugu aallartimmagu. Tassunga atatillugu Inatsisartut Ilaqutariinnermt Peqqinnermullu ataatsimiititaliaata nuannaarutigalugu maluginiarsimavaa atuarfiup pimoorullugu toqqaannartumik ilinniartut akornanni ajornartorsiut sulissutigilersimmamagu akuersinngilluinnerneq nalunaarutigalugu, soorlutaaq ataatsimiititaliap ilinniarfiit allat, suliffeqarfiit, peqatigiiffiit kattuffiit oqartussallu kajumissaarsimavai aalajangiivigeqqullugu ajornartorsiut.

Inatsisit ersarinnginnerat peqqutigalugu Imarsiornermillu ilinniarfiup iliuseqarsimanera ullumikkullu periutigineqartut eqqarsaatigalugit assersuutigalugu hashimik atonerluineq peqqutigalugu Namminersorlutik Oqartussat ilinniartut inissiaataanit ingerlaannartumik anisitaasarneq pillugu sinaakkutissat ersarinnerpaat pilersineqarnissaat sulissutigineqarpat Naalakkersuisut eqqornerpaassasoraat, qanoq ilillutik ilinniartoqarfiit hashimik atonerluineq qaangerniarlugu sinaakkutissanik pilersitsinikkut. Tamanna pisimavoq 2016-imi upernaakkut Inatsisartut katerinneranni. Taamaaliornikkut ilinniartoqarfiit avatangiisaallu illersorniarneqarput.

## **Iliusissaq: Ikiaroomartunik atuinnermt misilitsinnermt malittarisassanik eqqussineq ilinniarfinni ilinniartullu inissiaataanni**

Inatsisiliorneq periarfissiissaaq ilinniarfinni kollegianilu malittarisassiornermi pisinnaatitsineq ikiaroomartunik atonerluinermt misiliisarnissaq.

Siunnersuutip malitsigissavaa ilinniarfiup imaluunniit kollegiap ullumitut ilinniartoq anisissinnaangimmagu unioqqutitsineq siulleq tunngavigalugu. Siunnersuut imatut ilusilerneqarpoq ilinniarfimmi kollegiamiluunniit arlaleriarluni hashimik atuisimagaanni aalajangersimasut pissutsit tunngavigalugit naliliineqartassasoq ilinniarfiup kollegialluunniit malittarisassai tunngavigalugit.

Inatsisissatut siunnersuutip tassunga atatillugu piumasaqaatigaa misissortinnissamik piumaffiginnittoqarsinnaammat peqqutissaqartumik ilimatsaanneqarsimappat, assersuutigalugu ilinniartoq malunnaatilimmik sunnertisimasoq atuarnermini kollegiamiinnerminiluunniit. Taassuma saniatigut siunnersuummi ilaavoq ilinniakkani arlaannik ulorianartortalimmik pisoqartillugu ilaatigut misissuisoqartassasoq oqartussat akuersinerisigut. Tamanna kisimi pisinnaavoq ilinniakkani assersuutigalugu qaartiterinnermi, imarsiornermi aammalu maskiinani angisuuni atuinnermi, tamakkunani ilinniartup eqqummarinnissaanik timikkullu pisinnaasaanik annertuumik piumasaqaatitalinni.



## Inatsisinik atuutsitsinermut tunngasut

Ikiaroorartunik paarinninnissaq inerteqqutaavoq, soorluttaaq ikiaroorartunik Kalaallit Nunaanni eqqussinissaq aamma inerteqqutaasoq. Kalaallit Nunaanni hashimik tunisassioortunik suli nalaataqartoqanngilaq. Taamaattumik ikiaroorartooq inatsisinik unioqqutitsilluni Kalaallit Nunaannut eqqunneqartarpoq. Haship unammillernartua aaqqiiviginiarlugu hashit pissarsiarineqarsinnaasut killilernissaat pingaaruteqarpoq. Haship Kalaallit Nunaannut eqqunneqartartup sapinngisamik annikinnerpaajunissaata qulakkeerneratigut tamanna pissaaq. Nunatsinnut iserniarnermi aqqutissat ikittuinnaapput: umiarsuarmik timmisartumilluunniit angalanikkut.

Taamaattumik politiit akitsuuserinermullu oqartussat akornanni qanimut suleqatigiittoqarnissaa pingaaruteqarpoq. Akitsuuserinermut oqartussaasut aaqqissuussaasumik misissuinissaminut periarfissaqarput, tamatumalu ilaatigut nassataraa mittarfinni allakkerivinnilu misileraalluni misissuisoqartarmat. Akerlianik politiit aatsaat akulerussinnaapput tunngavissaqartumik pasitsaassaqaarsimagunik. Inatsisitigut illersorneqarnissaaq pissutigalugu politiit akitsuuserinermullu oqartussat akornanni taama agguataarineq attatiinnarneqartariaqarpoq.

## Politiit

Tuniniaatitsisartut haship anngiortumik Kalaallit Nunaannut eqqunneqartarneratigut aningaasarpassuarnik pissarsisartut politiit malittarineqarput. Nuummi hashi grammi ataaseq 700-1.000 kr.-it missaannik akeqartoq politiit taggiipput. Illoqarfiit anginerit ungasilliarernerat ilutugalugu akiusoq qaffakkiartuaartarpoq. Tuniniaatitsisartut hashimut kiilumut ataatsimut 300.000 kr.-it missaannik iluanaaruteqartartut politiit paasissutissiipput. Tamatumunnga sanilliullugu Danmarkimi tuniniaatitsisartut hashimut kiilumut ataatsimut iluanaarutaat 18.20.000-iusarput.

Kalaallit Nunaanni Politiit immikkut 'ikiaroorartulerisut' pilersissimavaat nuna tamakkerlugu ikiaroorartumik pinerluuteqarnernik misissuinerimik nakkutilliinermillu suliaqartut.

### **Iliusissaaq: Pinerluttulerinermi inatsisip allangortinneqarnissaa – arsaarinnissuteqartarnerup annertusinissaanut periarfissat**

Pinerluttulerinermi inatsisip nutarterneqarnissaa Pinngortitamut, Avatangiisinut Inatsisinillu Atuutsitsinermut Naalakkersuisoqarfiup inatsisinik atuutsitsinermut ministereqarfimmu qinnutigaa. Allanguutit ilaata nassatarissavaa arsaarinnissuteqartarnerup annertusineranut aalajangersakkat pinerluttulerinermi inatsimmut ilanngunneqassammata. Ikiaroorartut pillugit suliani arsaarinnissuteqartarnerup annertusinerata nassatarissavaa pisuussutit inuup ikiaroorartut pillugit inatsit malillugu eqqartuunneqartup pigisai arsaarinnissutigineqarsinnaammata – pisuussutit inatsisinut naapertuuttumik aningaasallu inatsisinut naapertuuttut atorlugit pissarsiarineqarnerat pineqartumit uppernarsarneqarsinnaanngikkaangat.

### **Iliusissaaq: Pinerluuteqarsimasunut inissiisarfanni inissitat atonerluinermut katsorsartinnerat**

Pinerluuteqarsimasunut inissiisarfanni inissitat atonerluinermut katsorsartinnissamut periarfissaqalersinnissaat pisariaqartinneqarpoq. Inunnik navianartorsioortitsilluni pinerlunnerit ilarparujussui imigassamik aalakoornartulimmik/hashimik malugisimaarluni piliaapput. Innuttaasunut akuuleqqinnissamut periarfissanik pitsaanerpaamik pilersitsinissaaq anguniarlugu aammalu eqqartuunneqarsimasut iperagaanermik kingorna pinerlunnertaqanngitsumik



inuuneqarsinnaanerat ilimanaateqarnerulersinniarlugu inissinneqarsimasut atornerluinermut katsorsartinnissamik neqeroorutininik pilersitsisoqartariaqarpoq.

**Iliusissaq: Haship akiorniarneqarneranut atatillugu Kalaallit Nunaanni Eqqartuussiveqarneq pillugu Siunnersuisoqatigiinni inatsisitigut iliusissat pillugit suleqatigiissitaliorneq**

Suleqatigiissitanik haship akiorniarneqarnerani periarfissat annertusarneqarnissaat siunertarlugu inatsisinik atuutsitsinermut tunngasuni inatsisinik nutarterinissamik pisariaqartitsinermik misissueqqissaarisussanik pilersitsinissaq pillugu Pinngortitamut, Avatangisunut Inatsisinillu Atuutsitsinermut Naalakkersuisoqarfik Kalaallit Nunaanni Eqqartuussiveqarneq pillugu Siunnersuisoqatigiinnut qinnuteqarniarpoq.

**Akilerartarnermut Aqutsisoqarfik**

Kalaallit Nunaannut nioqqutissanik eqqussuineramik nakkutilliineq Akilerartarnermut Aqutsisoqarfiup akisussaaffigaa. Nakkutilliinermi anguniarneqartoq ilaatigut tassaavoq haship Kalaallit Nunaannut eqqunneqartartup killilersimaarnissaa.

Immikkoortoq taanna isigineqarpoq nassuiaatitut UPA 2015/110-imut Naalakkersuisut nassuiaammik saqqummiussinissaannik pisussaaffilerneqarnissaannik Inatsisartuni aalajangiiffigisassatut siunnersuutaannut.

Naalakkersuisut siusinnerusukkut danskit naalakkersuisuinik isumaqatigiissuteqartarsimapput nioqqutissanik nakkutilliinermi suleqatigiinnissamik, isumaqatigiissutit illuatungeriinnut piomasaaqatitalik ikiuininnissamik nakkutilliinermi il.il. Akilerartarnermut Aqutsisoqarfiup nalilerpaa SKAT-ip Akilerartarnermut Aqutsisoqarfiullu akornanni suleqatigiinneq pitsaalluinnartutut maannamullu annerusumik suleqatigiinnissaq pisariaqanngitsoq.

SKAT aamma Akilerartarnermut Aqutsisoqarfik 2015-imi nutaamik isumaqatigiissusiorput oqartussaaffiit tamarmiusut ataatsimut iluanni maannamut suleqatigiinneq taperniarlugu sukkanerusumillu suleqatigiinnerup annertusinissaa periarfissaqartikkumallugu.

Akilerartarnermut Aqutsisoqarfik maanna Island aamma savalimmiut killeqarfinni nunat akornanni nakkutilliinermi annertusisamik suleqatiginiarlugit isumaqatigiinniarfigai. Taassuma saniatigut nunat akornini pisortatigut ataatsimiissutigineqarput ajornartorsiutaasinnaasut suleqatigiinnerlu ingerlaavartumik nalilersorneqarluni.

**Iliusissaq: mittarfinni nakkutilliineq annertunerusoq**

Mittarfinni nakkutilliisoqatigiit annertusaaviginissaat sivisuumik kissaatigineqarsimavoq. Ilanngaaserisut ikiaroorartulerisullu qimmii amerlanerit kissaatigineqarsimapput. Piffissap kingulliup ingerlanerani ilanngaaserisut marluk atorfinitsinneqarput ikiaroorartulerisullu qimmii marlunnik ilaneqassallutik. Ilanngaaserisup aappaa Kangerlussuarmi aalajangersimasumik inissisimassaaq. Akilerartarnermut Aqutsisoqarfik ullumikkut ilanngaaserisut ikiaroorartulerisullu qimmiinik pingasunik peqarpoq sulilu marlunnik ilaniarneqarput. Qimmip aappaa aamma



aningaasanik naamaarnermik sungiusagaassaaq. Taanna pingaarnertut inunnik nakkutilliinermi nioqutissanillu avataanut anninniarneqartunut atorneqassaaq.

### **Iliusissat: Timimut scannerummik pisineq**

Timimut scannerut atorlugu timimi ikiaroonartunik peqarnersoq misissorneqarsinnaavoq, taamaattumillu mittarfinni nakkutilliinerup annertusarneqarnissaanut iluaqutaalluartausaalluni. Scannerut atisat akimorlugit takutitsisinnaavoq, taamaalillunilu ikiaroonartunik atisani timimiluunniit toqqortanik ersersitsisinnaalluni. Timimut scannerut atorlugu akitsuuserisut politiillu inuk hashimik allanilluunniit eqqussinersoq ingerlaannartumik misissuisinnaapput. Timimut scannerummik atuineq assersuutigalugu Kangerlussuarmi angalasunik nakkutilliineq pitsaanerulersissavaa taamaasillunilu politiit peqqinnissaqarfiullu pigisaanik atorluaanerunissaaq qulakkiissallugu.

Timimut scannerut assartuineq ilanngullugu 1.5 mio. kr.-inik akeqarpoq. Timimut scannerummik pisinissaaq sulii aallartinneqalinngilaq. Timimut scannerummut inatsisitigut tunngavigineqartoq nittarsaassisarneq aamma nalunaaqutsersuisarneq pillugu Inatsisartut inatsisaanni nr. 18 30/10 1992-imeersumi allanngortinneqartumi Inatsisartut inatsisaanni nr. 38, 9/12 2015-imeersumi nassaarineqarsinnaavoq.

Akilerartarnermut Aqutsisoqarfik timimut scannerummik Kangerlussuarmi atuilerniarluni kissaateqarpoq, taamaasilluni paasissutissanik tassuuna aallersinnaaneq anguniarlugu. Pilersaarut imaappoq nunap mittarfiini nunanik allanik attaveqartuni timimut scannerummik peqalissaaq.

### **Iliusissaaq: Ikiaroonartunik suussusersiniarnermut atortussanik pitsaanagerusunik pisineq**

Angalasut nassataannik nassiussanillu Kalaallit Nunaannut assartorneqartunik scannerisarnissaaq pisariaqartinneqarpoq. Taama scannerinissamat maanna atortussanik peqarpoq, atortulli pitsaanagerusut kissaatigineqarput. Mittarfeqarfiit nassatanut scanneruteqarput. Illoqarfinni assartukkanik nakkutilliinerup annertusarneqarnissaa pisariaqartinneqarpoq. Sikuki<sup>4</sup> pissutigalugu pisariaqartitsineq annertunerunnaavoq.

Atortunik mikinernik pingasunik -sisamanik pisinissaaq kissaatigineqarpoq, taakku atorlugit ikiaroonartut katitigaanerat, tassunga ilanngullugit hashi ikiaroonartullu allat ingerlaannaq suussusersineqarsinnaallutik. Atortoq ataaseq 200.000 kr.-it missaannik akeqarpoq. Tamanna sulii aningaasalersorneqanngilaq.

### **Iliusissaaq: akitsuuserisut angalanerulernissaat**

Nakkutilliinermik suliaqartut maanna unammilligassartaa tassaavoq aalaakkaasuunerat. Sinerissami, pingaartumik Kangerlussuarmi, Narsarsuarmi illoqarfinnilu anginerni misissuilluni sulinerup atatillugu ullumikkut angalaneq annertugisassaangilaq. Taamaattumillu akitsuuserisut angalanerusalernissaat kissaatigineqarpoq. Iliuseq malunnaatilimmik sunniuteqassappat akitsuuserisut, pingaartumik Kangerlussuarmut, Narsarsuarmut Ilulissanullu ukiumoortumik 300-eriarlutik angalasarnissaat pisariaqarpoq.

Taamaattumillu annertunerusumik iliuuseqartoqassappat nukissat amerlanerusariaqarput. Teknikikkut atortut siuliani taaneqartut saniatigut sulisut qimmillu amerlanerit

<sup>4</sup> Sikuki tassaavoq Nuummi umiarsualivik nutaaq containerersorluni umiarsualivimmi pisariillaasaataasussaaq pisariaqartitanillu nutaanik piviusunngortitsisussaaq



atorfissaqartinneqassapput. Akitsuuserisumut qimmilimmut aningaasartuutit ukiumut 1 mio. kr.-it missaanniimmata paasissutissiissutigineqarsinnaavoq.



## Naggasiilluni oqaaseqaatit

Hashi akiorniarlugu nuna tamakkerlugu iliuusissatut pilersaarummut siunnersuummi akisussaaffeqarfiit akimorlugit iliuusissanut ataatsimut pilersaarut allaaserineqarpoq. Pilersaarummi pitsaaliuilluni suliat sammineqarput aammalu haship inerteqqutaasup nunatsinnut eqqunneqartartup annikillisinneqarnissaa, ukioqatigiikkaat akimorlugit nunallu immikkoortuani sumiinneq apeqqutaatinnagu hashimik atuinerup annikillisinneqarnissaa kiisalu meeqqat inuusuttuaqqallu akornani hashimik atuinerup pitsaaliorneqarnissaa anguniarneqarput.

Iliuusissat arlallit suli aningaasalersorneqannginnerat pissutigalugu pilersaarut siunnersuutitut saqqummiunneqarpoq.

Maanna tamanna politikikkut suliarineqartariaqarpoq, qanoq qaqugulu pingaarnersiuinissamut kissaateqarnerluni aammalu suliniutit aallarnisarnissaanut pingaartumik Akileraartarnermut Aqutsisoqarfiup isumagisaani. Aningaasalersuineq 2016-imi immikkut aningaasaliinikkut imaluunniit aningaasaqarnermut inatsimmi 2017-imi nassaarineqartariaqarput.

Innuttaasut akornanni hashimik atuinerup annikillisinneqarnissaa nunamut tamarmiusumut iluaqtaassaaq. Aammattaaq ingerlatsiveqarfiit tamarmik pitsaaliuineramik suliap sunniutai malugissavaat: ulluunerani paaqqinnittarfinni atuarfinnilu meeqqat atugarissaarnerulissapput aammalu ilinniaqqinnissaminnut suliffeqalernissaminnulluunniit piareersimanerulissallutik, inuusuttut amerlanerit inuusuttunut ilinniartitaanermik aamma/imaluunniit ingerlaqqiffiusumik ilinniartitaanermik naammassisaqartalissapput aammalu innuttaasut amerlanerit ukiuni amerlanerit suliffeqaannassapput.

Innuttaasut timikkut anersaakkullu nukittuut tunngavissillugit Kalaallit Nunaanni assigiimmik atugassaqartitsinissamik naalakkersuisooqatigiit isumaqatigiissutaanni anguniagaq pilersaarummit eqquutsinneqassapput.





## Atuagassiat

- Dahl-Petersen, I. K., Larsen, C. V. L., Nielsen, N. O., Jørgensen, M. E., & Bjerregaard, P. (2016). *Befolkningsundersøgelsen i Grønland 2014. Levevilkår, livsstil og helbred. Statens Institut for Folkesundhed, Syddansk Universitet.*
- Siunissami atornerluinermut katsorsaasarnermik nunatsinni pilersaarutissatut siunnersuut. (2015). Nuuk.
- Nations, U. (2015). *International Standards on Drug Use Prevention*. Vienna. Retrieved from [https://www.unodc.org/documents/prevention/UNODC\\_2013\\_2015\\_international\\_standards\\_on\\_drug\\_use\\_prevention\\_E.pdf](https://www.unodc.org/documents/prevention/UNODC_2013_2015_international_standards_on_drug_use_prevention_E.pdf)
- Niclasen, B. (2015). *Trivsel og sundhed blandt folkeskoleelever i Grønland - resultater fra skolebørnsundersøgelsen HBSC Greenland i 2014. Statens Institut for Folkesundhed, Syddansk Universitet. København.*
- Nielsen, J. C., & Sørensen, N. U. (2008). Unge og risikoadfærd - Forskning - Aarhus Universitet. *Vera: Tidsskrift for Pædagoger*, (44), 46–53. Retrieved from [http://pure.au.dk/portal/da/publications/unge-og-risikoadfaerd\(553de1f0-8a18-11dd-ba54-000ea68e967b\).html](http://pure.au.dk/portal/da/publications/unge-og-risikoadfaerd(553de1f0-8a18-11dd-ba54-000ea68e967b).html)
- Nordentoft, M., Ege, P., Erritzøe, D., Lange, P., & Pedersen, M. U. (2015). *Cannabis og sundhed*. København. Retrieved from [http://www.vidensraad.dk/sites/default/files/vidensrad\\_for\\_forebyggelse\\_cannabis\\_og\\_sundhed.pdf](http://www.vidensraad.dk/sites/default/files/vidensrad_for_forebyggelse_cannabis_og_sundhed.pdf)
- Orbe, D. (2010). *Labyrinten del 1 - om unge i behandling i U-turn, Københavns Kommunes tilbud til unge, der har problemer med stoffer.*
- Stockholm förebygger alkohol- och drogproblemer. (n.d.). Retrieved April 26, 2016, from <http://stad.org>
- Sundhedsstyrelsen. (2011). Til forældre med børn i grundskolen: Dit barns festkultur - sæt rammer for alkohol, tobak og stoffer. Retrieved April 26, 2016, from <http://sundhedsstyrelsen.dk/~media/01FE710F2AFA4C19BF3308F27D2BB98A.ashx>
- Sundhedsstyrelsen. (2013). *Forebyggelsespakke – Stoffer*. København. Retrieved from <https://sundhedsstyrelsen.dk/da/udgivelser/2013/forebyggelsespakke-stoffer>
- Sundhedsstyrelsen. (2015). *Narkotikasituationen i Danmark 2015*. København. Retrieved from <http://sundhedsstyrelsen.dk/~media/72C6365A32C747F090F72C8F17AAF5B6.ashx>